

Organi vlasti općine Maglaj bespotrebno podizu tenzije u vezi sa Vijećem za procjenu implementacije Odluke o Zepcu

Ured Visokog predstavnika, kao predsjedavajući Medjunarodnog vijeća za procjenu implementacije Odluke o Zepcu (MVP), koju je Visoki predstavnik donio 6. oktobra 2000. godine, smatra da su optužbe organa vlasti općine Maglaj u vezi smanjenja teritorije ove Općine nepotrebne i nekonstruktivne.

MVP, koje sačinjavaju predstavnici OHR-a, OSCE-a i UNMiBH-a, su zajedno sa gospodinom Richardom Williamsom, supervizorom za provedbu Odluke o Zepcu, prošlog petka saslušali dokaze koje su sve strane prezentirale u pogledu napretka koji je postignut u procesu implementacije Odluke o integraciji općine Zepce. Stav 11. Odluke Visokog predstavnika jasno predviđa da promjene općinskih granica, predviđene Odlukom, mogu biti izvršene samo ukoliko bude postignut značajan napredak, u skladu sa Odlukom, na integraciji općine Zepce u zakonske strukture Zenicko-dobojskog kantona.

MVP je u petak, nakon saslušanja dokaza koje su prezentirale sve tri strane, jasno izjavilo da se namjerava povuci kako bi razmotrilo nalaze do kojih je došlo, prije nego što podnese javni izvještaj i prije nego Visoki pred prije nego Visoki predstavnik donese odluku o izmjeni općinskih granica.

Tokom prezentacije dokaza, MVP je saslušalo i delegaciju iz Novog Sehera, općina Maglaj, koja je zatražila da bude dio eventualnih promjena granica i na taj način postane dio općine Zepce. S obzirom da Odluka Visokog predstavnika od 6. oktobra 2000. godine ne predviđa takve promjene, jasno je da bi općinski organi vlasti sve tri općine, Maglaja, Zepca i

Zavidovica, trebali izraziti svoju podršku ovakvoj ideji da bi je Visoki predstavnik uzeo u razmatranje. Trenutno se čini da ne postoji takva vrsta saglasnosti među predstavnicima ovih Općina.

Odluka Visokog predstavnika o integraciji općine Zepče i raspustanju paralelnih institucija je proizvela značajane rezultate i omogućila da ova Općina ostvari pomak u odnosu na situaciju iz 1995. godine. Broj povratnika u ovu Općinu je među najvišim u BiH, a međunarodna ulaganja u ovu multi-etničku Općinu su u porastu. Organi vlasti općine Maglaj bi se trebali baviti rješavanjem problema stanovnika Novog Sehera, umjesto što nastoje da umanje značaj napretka koji je postignut u susjednoj općini.